



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 4. Borromæus relicta Aula Romana Mediolani in sua Diæcesi
commorans.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

tam salutari mox aquiescens Cardinalis Sæcul. XVI. A.C. 1565.
 ad suum, quem pro Diæcesis regimine
 habebat, Vicarium Generalem perscri-
 bens, eidem Episcopum Suffraganeum
 Hieronymum Ferragaram submisit, ut
 Diæcesin lustraret: alterum vero Vi-
 carium constituit Nicolaum Ormanet-
 tum Veronenfis Diæcesis Parochum,
 cujus probitatem, prudentiam, atque
 ingentem juvenes scientiis Ecclesiasticis
 imbuendi dexteritatem sibi sat perspe-
 ctam habebat.

§. IV.

*Borromæus relicta Aula Romana
 Mediolani in sua Diæcesi
 commorans.*

Ormanettus alteram Mediolanensis Raynald. hoc ann. n. 21.
 Diæcesis partem lustrans Synodum
 celebrabat, cui mille ducenti Ecclesia-
 stici intererant, quorum opera tandem
 ingens Reformationis opus inchoaba-
 tur; cum autem Ormanettus novas in-
 dies difficultates succrescere cerneret,
 petita a Cardinale redeundi venia ei-
 dem exposuit, quod absque proprii
 Pastoris præsentia haud amplius hanc
 Ecclesiam rite regere posset. Ad hu-
 jus monita mox Carolus denuo Papam
 rogabat, ut ipsi in sua diæcesi remanendi
 copiam dare vellet, tandem etiam id

Sæcul. XVI.
A.C. 1565

ab eodem obtinuit, ut ibidem Synodum Provinciale celebraturus abire posset. Ergo Borromæus die prima Septembris anno Incarnationis Dominicæ millesimo quingentesimo sexagesimo quinto Roma discessit, comitantibus eum Præfulum quamplurimis, aliisque selectioribus Ecclesiasticis: quamprimum autem Mediolanum venerat, mox celebriores Theologos, jurisque Canonici peritos accersebat.

§. V.

Concilium Provinciale Mediolani ab eo convocatum.

Post suum adventum Carolus primas eo curas intendebat, ut Provinciale Concilium, quod eo regnante primum erat, Mediolani celebraret: igitur hac de re præprimis cum Provinciæ suæ Episcopis, qui jamjam Mediolanum venerant, agere cæperat, iisque argumenta distribuebat, ut rebus mature perpensis postea desuper decreta confici possent. Intererat huic Concilio nuper electus Cardinalis Guido Ferrerius, qui in hac ipsa Synodo a sancto Carolo Borromæo rubrum galerum Pontificis nomine acceperat: insuper ibi convenire ex Episcopis Hieronymus Vida Albensis, Mauritius Petra Viglebanensis, Cæsar Gambara Tortonensis, Scipio